

欽定四庫全書

子部

太平惠民和劑局方卷中



南京中医药大学图书馆版权所有

太平惠民和劑局方
論其方
卷上

陳師文等 撰

和劑局方

其盈虛而行補瀉辨土
石甘辛細委君臣冷熱
陽或在陰在陽或在表

在裏須知
不同尋彼邪由知病

所起表實則瀉表裏實則瀉裏在陽則治陽在陰則
治陰以五臟所係之藥於四時所用之宜加減得中
利汗無誤則病無不差矣若不洞明損益率自胸襟
畏忌不分反惡同用或病在表而却瀉裏病在裏而
却宣表在陰則瀉陽在陽則瀉陰不能曉了自昧端
由病既不瘳遂傷患者深可戒也故為醫者必須澄
心用意窮幽造微審疾狀之淺深明藥性之緊緩製
方有據與病相扶要妙之端其在于此凡療諸病當

先以湯蕩除五臟六腑開通諸脉理順陰陽令中破
邪潤澤枯朽悅人皮膚益人氣力能淨萬物故用湯
也若四肢病久風冷發動次當用散散能逐邪風氣
濕痺表裡移走居無常處散當平之次當用九九藥
者能逐風冷破積聚消諸癥堅進美飲食調和榮衛
能參合而行之者可謂上工故曰醫者意也大抵養
命之藥則多君養性之藥則多臣療病之藥則多使
審而用之則百不失一矣

夫療寒以熱藥療熱以寒藥飲食不消以吐下藥鬼疰
蠱毒以蠱毒藥癰腫瘡瘤以瘡瘤藥風濕以風濕藥
各隨其宜雷公云藥有三品病有三階藥有甘苦輕
重不同病有新久寒濕亦異夫重熱膩醋鹽藥石并
飲食等於風病為治餘病非對輕冷甘苦澀藥草石
飲食等於熱病為治餘病非對輕熱辛苦淡藥飲食
等於冷病為治餘病非對其大綱略顯其源流其餘
觀其病狀可知臨事制宜當識斯要矣

論合和法

凡合和湯藥務在精專甄別新陳辨明州土修製合度
分兩無差用得宜病無不愈若真假非數類冷熱
相乖草石昧其甘辛炮炙失其體性節羅麁惡分劑
差殊雖有療病之名永無必愈之效是以醫者必須
慇懃注意再四留心不得委以他人令其修合非但
多少不等兼以失本方意搗和之後妍醜難明衆口
嘗之衆鼻嗅之精氣一切都盡而將療病固難得效

此蓋是合和之盈虛不得咎醫方之淺拙宜加審察
又古方藥味多以銖兩及用水皆言升數年代綿歷
漫遠傳寫轉見乖訛或分兩少而水數多或水數少
而分兩多輕重不等器量全異若不別其精粗何以
明其取捨今則加減合度分兩得中削舊方之參差
合今時之行用其方中凡言分者即二錢半為一分
也凡言兩者即四分為一兩也凡言斤者即十六兩
為一斤也凡言等分者非分兩之分即諸藥之斤兩

多少皆同為等分也凡煮湯云用水大盞者約一升也一中盞者約五合也一小中者約三合也務從簡易庶免參差俾修合煎調臨病濟急不更冗繁易為曉了也凡草有根莖枝葉皮骨花實諸蟲有毛翅皮甲頭足尾骨之屬有須炮炙生熟有定一如其法順方者福逆方則殃或須肉去皮或須皮去肉或須根莖或須花實依方揀練事禱理削極令淨潔然後秤足分兩勿得參差藥有相生相殺氣力有強有弱君

臣相使若不廣通諸經則不知有好有惡或醫自以
意加減不依方分兩使諸藥石強弱相欺入人腹中
不能治病更相攻擊草石相反使人迷亂力甚刀劍
若調和得意雖未能去病猶得安和五臟於病無所
增劇也

凡煮湯當以井花水極令淨潔其水數多少不得參差
常令文火小沸令藥味出煮之調和必須用意然則
利湯欲生少水而多取補湯欲熟多水而少取用新

布紋之服湯寧小熱即易消下若冷即令人嘔逆云
分再服三服者要令勢力相及并視人之強弱病之
輕重為進退增減之不必悉依方說也

凡搗羅丸藥用重密絹令細於蜜中和則易熟若羅草
藥為散以輕細絹於酒中調服則不泥其石藥亦用
細絹羅然後研理數百過視色理和同為佳也

凡湯酒中用諸石藥皆細擣羅之粟米亦可以葛篩令
調並新綿裹內湯酒中同煎凡合丸散藥先細切曝

燥乃搗之有各搗者有合搗者並隨方所言其潤澤藥如天門冬乾地黄之類並細切曝獨搗令偏碎更出細擘曝乾若逢陰雨亦以微火烘之既燥小停冷乃搗之

凡濕藥燥皆大耗當先增分兩須得屑乃秤之為正其湯酒中不須如此也

凡漬藥酒皆須細剉用生絹盛之乃入酒密封隨寒暑日數俟其濃烈便可漉出不必待服至酒盡也滓可

曝燥微搗更漬飲之亦可為散服

凡合膏藥初以酒或醋漬令淹浹不用多汁密覆勿洩
從今旦至明旦亦有止一宿者微火煎之令三上三
下以洩其熱勢令藥味得出上之使币币沸乃下之
使沸靜良久乃止寧欲其小生其中有薤白者以兩
頭微焦黃為度有白芷附子者亦令小黃色也猪肪
皆勿令經水臘月者彌佳絞膏以新布絞之若是可
服之膏膏查亦可酒煮飲之可摩之膏膏查則宜以

傳病上此蓋欲兼盡其藥力故也膏中用雄黃朱砂麝香乳香鉛丹之輩皆別研如粉候膏畢乃可投中以物疾攪至於凝強勿使沉聚在下不調有水銀胡粉者於膏中研令極細

凡修鍊神仙延年丸散皆須先淨其室燒香洒掃勿令浪語當使童子搗之務令細熟杵數可至千萬過以多為佳勿令婦女小兒喪孝產婦及痼疾六根不具之人及六畜見之皆不效也其逐急諸小湯藥則不

在此例

論服餌法

夫藥有君臣佐使人有強弱虛實服餌之法輕重不同
少長殊途強羸各異或宜補宜瀉或可湯可丸加減
不失其宜藥病相投必愈若病在胃膈以上者先食
而後服藥病在心腹以下者先服藥而后食病在四
肢血脉者宜空腹而在旦病在骨髓者宜飽滿而在
夜凡藥勢與食氣不欲相逢食氣消即進藥藥氣散

而進食如此消息即得五臟安和非但藥性之多方其節適早晚復須調理今所云先食後食益此義也凡服湯欲得稍熱服之則易消下若冷則嘔吐不下若太熱則傷人咽喉務在用意湯必須澄清若濁則令人心悶不解中間相去如步行十里久即再服若太促者前湯未消後湯乘衝必當吐逆仍問病者腹中藥消散否乃更進服

凡服丸藥補者皆如梧桐子大以二十丸為始從一服

漸加至四十丸為限過多亦損人云一日再服者欲得引日多時不闕藥力漸積薰蒸五臟彌久為佳不須頓服為善縱餌名藥獲益甚少也

凡服浸酒藥欲得使酒氣相接無得斷絕斷絕則不得藥力多少皆隨性飲之以知為度不可令大醉至吐大損人也

凡服毒藥治病先起如黍粟病去而止不去倍之不去十之取去為度令藥中單行一兩種有毒之藥只如

巴豆甘遂之輩不可令至盡劑爾如經所說一味一
毒服一丸如細麻二味一毒服二丸如大麻三味一
毒服三丸如胡豆四味一毒服四丸如小豆五味一
毒服五丸如大豆六味一毒服六丸如梧桐子以數
為丸而毒中又有輕重只如狼毒鈎吻豈同附子芫
花之輩耶凡此之輩皆須量用也

凡餌湯藥後其粥食肉菜皆須大熱大熱則易消與藥
相宜若生則難消復損藥力仍須少食菜於藥為佳